



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ
ՀՐԱՄԱՆ

N 697-Ա/2

20.04.2022թ.

**«ՔՈ ԱՐՎԵՍՏՐ ԴՊՐՈՑՈՒՄ» ՄԻՋՈՑԱՌՄԱՆ
ԾՐԱԳԻՐԸ ՀԱՍՏԱՏԵԼՈՒ ԵՎ ԳՈՒՄԱՐ ՀԱՏԿԱՑՆԵԼՈՒ ՄԱՍԻՆ**

Ղեկավարվելով «Հայաստանի Հանրապետության 2022 թվականի պետական բյուջեի մասին» օրենքով և Հայաստանի Հանրապետության վարչապետի 2019 թվականի հունիսի 1-ի N 661-Լ որոշման հավելվածի 19-րդ կետի 20-րդ ենթակետով՝ «Քո արվեստը դպրոցում» միջոցառումն իրականացնելու նպատակով՝

Հ Ր Ա Մ Ա Յ ՈՒ Մ Ե Մ

1. Հաստատել «Քո արվեստը դպրոցում» միջոցառման ծրագիրը՝ համաձայն հավելվածի:

2. «Հայաստանի Հանրապետության 2022 թվականի պետական բյուջեի մասին» օրենքի N 1 հավելվածի N 2 աղյուսակի «1148. Արտադպրոցական դաստիարակության ծրագրի» «11012. «Քո արվեստը դպրոցում» միջոցառման համար Հայաստանի Հանրապետության կրթության, գիտության, մշակույթի և սպորտի նախարարությանը (այսուհետ՝ նախարարություն) նախատեսված գումարներից հատկացնել 70509,6 հազար (յոթանասուն միլիոն հինգ հարյուր ինը հազար վեց հարյուր) դրամ «Քո արվեստը դպրոցում» միջոցառման իրականացման ծախսերն ապահովելու համար:

3. Նախարարության ֆինանսաբյուջետային վարչության պետին՝ սույն հրամանն ուժի մեջ մտնելուց հետո 15-օրյա ժամկետում նախապատրաստել և նախարարության գլխավոր քարտուղարի ստորագրմանը ներկայացնել սույն հրամանի 2-րդ կետում նշված գումարը «Երեխաների հատուկ ստեղծագործական կենտրոն» պետական ոչ առևտրային կազմակերպությանը հատկացնելու մասին պայմանագիր (այսուհետ՝ պայմանագիր):

4. Նախարարության ժամանակակից արվեստի վարչության պետին՝ Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մարտի 16-ի թիվ 343-Ա/2 հրամանին և կնքվող պայմանագրին համապատասխան իրականացնել պայմանագրով նախատեսված աշխատանքների կատարման նկատմամբ հսկողություն, բովանդակային հաշվետվությունների ընդունման գործառույթներ:

5. Սույն հրամանի կատարման հսկողությունը վերապահել Հայաստանի Հանրապետության կրթության, գիտության, մշակույթի և սպորտի նախարարի տեղակալ Ա. Խզմալյանին:

ԱՐԹՈՒՐ ՄԱՐՏԻՐՈՍՅԱՆ

(պարտականությունները կատարող)

X

Հավելված
ՀՀ կրթության, գիտության,
մշակույթի և սպորտի նախարարի
« » « » 2022 թ.
N -Ա/2 հրամանի

Ծ Ր Ա Գ Ի Ր

«Քո արվեստը դպրոցում» միջոցառման

1	Կազմակերպության անվանում	«Երեխաների հատուկ ստեղծագործական կենտրոն» ՊՈԱԿ
2	Կազմակերպության գտնվելու վայր	ՀՀ, ք. Երևան, Իսհակյան 28
3	Ծրագրի անվանում	«Քո արվեստը դպրոցում. մասնագիտության որոնումներում» հանրապետական ծրագիր
3.1	Բովանդակություն	<p>Նախագծի շրջանակներում իրականացվելու են Հայաստանի մշակութային գործիչների, արվեստագետների կյանքի ու գործունեության ճանաչելիության բարձրացմանն ուղղված միջոցառումներ: Նախատեսվում է իրականացնել հանդիպում-քննարկումներ 50 արվեստագետների հետ: Յուրաքանչյուր հանդիպմանն ընդառաջ կպատրաստվի տվյալ արվեստագետին նվիրված ճանաչողական տեսահոլովակ: Հանդիպում-քննարկումները կունենան հատուկ ընտրված խորագրային թեմաներ, որոնց օգնությամբ կբացահայտվեն արվեստի պատմությանը, նպատակներին ու խնդիրներին առնչվող ուշագրավ փաստեր ու տեղեկություններ: Թեմաների ընտրությունը կկատարվի աշակերտների տարիքային խմբերի առանձնահատկությունները հաշվի առնելով: Նախատեսվում է հանդիպումներն իրականացնել ինտերակտիվ ձևաչափով. երեխաները հնարավորություն կունենան ոչ միայն տեսական գիտելիքներ ստանալու, այլ նաև անմիջականորեն մասնակցություն կունենան հյուրի կողմից տեղում անցկացվող վարպետության դասին, ինչը հետագայում կարող է օգնել նրանց մասնագիտական կողմնորոշման հարցում: Յուրաքանչյուր հանդիպման ընթացքում կլինի հարցուպատասխանին նվիրված հատված, որը կնպաստի աշակերտ-արվեստագետ առավել անմիջական շփմանը և երեխաներին հետաքրքրող հարցերի պարզաբանմանը:</p> <p>Հանդիպումները տեսագրվելու, մոնիթավելու և պատրաստվելու են որպես հեռուստահաղորդումներ: Հեռուստահաղորդումներում, բացի բուն հանդիպման հարվածից և հարցուպատասխանի բաժնից, կավելանա ևս մեկ բաժին՝ բլից հարցեր, ինչը հնարավորություն կտա ճանաչելու արվեստագետին նաև այլ տեսանկյուններից: Բոլոր հեռուստահաղորդումները տեղադրվելու են նաև սոցցանցում (Facebook, Youtube), ինչի արդյունքում հնարավորինս բաց հասանելիություն է ապահովվելու բոլոր հետաքրքրվողների համար: Սոցցանցի հարթակներում, բացի հեռուստահաղորդումներից, կտեղադրվեն նաև արվեստագետներին նվիրված ճանաչողական տեսահոլովակներ, ինչպես նաև հանդիպումներին զուգորդվող ֆոտոպատկերներ:</p>
3.2	Նպատակ	Նախագիծը նպատակ ունի՝

		<ul style="list-style-type: none"> ➤ Մեծացնել արվեստագետների ճանաչելիությունը աշակերտների շրջանում ➤ Ուղղորդել երեխաներին մշակութային ոլորտում մասնագիտությունների ընտրության հարցում ➤ Ձևավորել քաղաքացու և արվեստագետի դրական պատկեր և մեծացնել արվեստագետի հանրային վարկանիշը ➤ Ամրապնդել բարեկիրթ միջանձնային հարաբերությունները հանրակրթական ուսումնական հաստատություններում ➤ Ստեղծել բարենպաստ պայմաններ աշակերտների ինքնաբացահայտման և ինքնաճանաչման համար ➤ Ամրապնդել մշակութային բաղադրիչը հանրակրթության համակարգում ➤ Արդիականացնել մշակութային բովանդակության փոխանցման եղանակները ➤ Գրավիչ դարձնել արվեստը և դրա ընկալման եղանակները ➤ Ստեղծել նպաստավոր պայմաններ մշակութափոխանցման հանրություն ձևավորվելու համար ➤ Խթանել գիտելիքի հանդեպ հետաքրքրությունը ➤ Նպաստել աշակերտի ազատ արտահայտման կարողությանը ➤ Մեծացնել դրական բովանդակության տարածքը աշակերտի առօրյայում ➤ Մեղմել հետպատերազմական ճգնաժամի բարոյահոգեբանական հետևանքները ➤ Նպաստել մայրաքաղաքի և համայնքների միջև կրթական-մշակութային կապերի ամրապնդմանը:
3.3	Անցկացման ժամկետ	2022 թ. ապրիլ-նոյեմբեր/դեկտեմբեր
3.4	Անցկացման վայր	Երևան, ՀՀ 10 մարզ
3.5	Ակնկալվող արդյունքներ	<p>Ծրագիրը կնպաստի.</p> <p>Դպրոցահասակ երեխաների շրջանում հայ արդի արվեստի ճանաչելիության բարձրացմանը, մասնագիտական կողմնորոշմանը, արվեստի նկատմամբ հետաքրքրության աճին, աշակերտ-արվեստագետ ծանոթացմանն ու անմիջական շփմանը, աշակերտների աշխարհընկալման ընդլայնմանը, մտահորիզոնի զարգացմանը, արվեստի միջոցով բարոյահոգեբանական մթնոլորտի բարելավմանը:</p> <p>Ծրագիրը ակտիվորեն կտարածվի էլեկտրոնային հարթակում՝ հնարավորինս բաց հասանելիություն ապահովելով բոլոր հետաքրքրվողների համար:</p>
3.6	Ոչ ֆինանսական ցուցանիշներ	<ul style="list-style-type: none"> ➤ Արվեստագետների հետ անցկացված հանդիպումներ և դրանց հիման վրա պատրաստված հեռուստահաղորդումներ ➤ 3600 դպրոցական ➤ 450 ուսումնական հաստատություն ➤ 50 արվեստագետ